



Viaño Pequeno, 14
15687 Trazo (A Coruña)
☎: 981 689 001
☎: 981 689 035
WEB: www.concellodetrazo.es
Email: correo@trazo.dicoruna.es

Concello de Trazo

Por acordo da Xunta de Goberno Local de data 10/09/2019, modifícanse as bases terceira e cuarta da Convocatoria de concurso para a contratación laboral temporal de catro peóns no Concello de Trazo, que se reproduce de seguido para o xeral coñecemento polos interesados.

BASES CONVOCATORIA DE CONCURSO PARA A CONTRATACIÓN LABORAL TEMPORAL DE CATRO PEÓNS NO CONCELLO DE TRAZO

Primeira: obxecto da Convocatoria.

É obxecto desta convocatoria a contratación laboral temporal de catro peóns, mediante oferta pública anunciada na páxina web www.concellodetrazo.es en xornada de vintecinco horas semanais polo prazo de cinco meses, na modalidade contractual de Contrato por obra ou servizo determinado.

Estes contratos serán sufragados con cargo á aplicación orzamentaria 163 131 00.

Segunda: requisitos dos aspirantes

Para poder participar no proceso de selección será necesario:

- a) Ser español.
- b) Ter cumpridos 18 anos de idade.
- c) Estar en posesión do certificado de escolaridade ou EXB, ESO ou certificado de profesionalidade
- d) Non padecer enfermidade ou eiva física que impida o desempeño das correspondentes funcións.
- e) Non ter sido separado, mediante expediente disciplinario, do servizo ao Estado, Comunidades Autónomas ou Entidades Locais, nin atoparse inhabilitado para o exercicio das funcións públicas.
- f) Non estar incurso nos supostos de incompatibilidades previstas na lexislación vixente.
- g) Figurar como demandante de emprego no S.P.E.

Os aspirantes deberán estar en posesión destes requisitos no momento de presentación da correspondente oferta.

Terceira: proceso de selección

Constará de dúas fases: valoración de méritos e entrevista curricular.

1.- Valoración de méritos:

Valoraranse os seguintes méritos:

- a) Outras titulacións equivalentes a formación profesional: 0.50 puntos



Viaño Pequeno, 14
15687 Trazo (A Coruña)
☎: 981 689 001
☎: 981 689 035
WEB: www.concellodetrazo.es
Email: correo@trazo.dicoruna.es

Concello de Trazo

-Bacharelato superior: 2 puntos

A puntuación máxima por outras titulacións será de 2 puntos

b) Cursos, seminarios, xornadas relacionadas coa actividade:

-Por cursos realizados de ata 10 horas: 0,10 puntos

-Por cursos realizados de ata 30 horas: 0,20 puntos

-Por cursos realizados de máis de 30 horas: 0,50 puntos.

-Por cursos realizados de máis de 90 horas: 1,00 punto.

A puntuación máxima será de 1,5 puntos.

c) Coñecemento do galego:

Celga 4: 1 ,00 punto

Celga 5: 1,50 puntos.

A puntuación máxima por coñecementos do galego será de 1,50 puntos.

d) Experiencia profesional:

Experiencia profesional como peón ou similar en calquera Administración Pública: 0,2 puntos por mes ata un máximo de 2,00 puntos.

Experiencia profesional como peón ou similar na empresa privada: 0,2 puntos ata un máximo de 2,00 puntos

A puntuación máxima por experiencia profesional será de 2,00 puntos.

Para efectos da valoración da experiencia profesional, unicamente se valorarán os meses nos que se xustifique un mínimo de 40 horas mensuais, en calquera das distintas actividades, acompañando en todo caso, contratos, nóminas, certificacións de empresa ou Administración Pública e ademáis certificado de vida laboral expedido pola Tesorería Xeral da Seguridade Social.

Para xustificar os méritos alegados os aspirantes achegarán documentos orixinais/fotocopias compulsadas que os acrediten, podendo o tribunal, se o considera oportuno, solicitar ampliación/aclaración sobre o contido dos mesmos.

Os méritos alegados deberán ser entregados ao Tribunal para a súa valoración no momento de realización da entrevista curricular, sen que sexan admitidos en momento posterior.

2.- Entrevista curricular:

Entrevista curricular e sobre as funcións a realizar valorada con un máximo de 2,5 puntos.

A cualificación final será o resultado de sumar a puntuación obtida na fase de valoración de méritos alegados e debidamente xustificadas e a entrevista curricular. Dado que en ningún caso o número de aprobados pode ser maior que o número de prazas convocadas, resultaran seleccionados aquel aspirante que obtivera maior puntuación.

3.- A entrevista celebrarase o día 13 de setembro ás 10 h. na casa do Concello

Cuarta Comisión de avaliación

Terá a seguinte composición:



Viaño Pequeno, 14
15687 Trazo (A Coruña)
☎: 981 689 001
☎: 981 689 035
WEB: www.concellodetrazo.es
Email: correo@trazo.dicoruna.es

Concello de Trazo

PRESIDENTE: María José Nartallo Penas, ou funcionario/a que a substitúa.

VOGAL 1: Alberto Conde Pereiro, que actuará ao mesmo tempo como **SECRETARIO** do tribunal ou funcionario/a que o substitúa

·VOGAL 2: Ramiro Rama Figueira, ou funcionario/a que a substitúa.

Os vogais deberán ter titulación ou especialización igual ou superior á esixida para o acceso ás prazas.

Os membros da Comisión de Avaliación están suxeitos ó disposto no artigo 23 da Lei 40/2015, de 1 de outubro, de Réxime xurídico das administracións, e aos dereitos por indemnización por asistencia, do artigo 33 do Real Decreto 236/1988.

Quinta: Presentación de solicitudes.

Os aspirantes presentarán a súa solicitude no prazo de sete días hábiles a contar dende o seguinte á publicación das presentes bases na páxina web municipal: www.concellodetrazo.es.

Lugar de presentación: no Rexistro xeral da Casa do Concello, a través da sede electrónica ou nalgún dos lugares previstos no artigo 16.4 de la Lei 39/2015, do 1 de outubro, do Procedemento Administrativo Común das Administracións Públicas

Sexto: Lista de seleccionados e de reserva.

Ao rematar o proceso selectivo confeccionarase unha relación coa puntuación acadada, en orde descendente, polo que, os primeiros da lista, serán segundo se indica na base terceira. A lista coa totalidade dos presentados e puntuación acadada quedará para poderen ser utilizada, ao longo de un ano como reserva (sempre respectando a orde da lista), para cubrir situacións de renuncia voluntaria, procesos de incapacidade temporal, maternidade ou calquera outra circunstancia, en prazas peón deste Concello.

Cando un dos aspirantes incluídos na lista fose chamado para ocupar un posto, ao rematar o período de contratación recuperará o seu lugar inicial na mesma, de xeito que pode ser chamado para unha nova contratación.

Sétima: presentación de documentos.



Viaño Pequeno, 14
15687 Trazo (A Coruña)

☎: 981 689 001

☎: 981 689 035

WEB: www.concellodetrazo.es
Email: correo@trazo.dicoruna.es

Concello de Trazo

Os aspirantes seleccionados presentarán a documentación acreditativa dos requisitos esixidos na base segunda, no prazo de tres días, a contar desde a publicación da lista de seleccionados.

Se dentro do prazo sinalado, e salvo casos de forza maior, non presentasen a súa documentación ou non acadasen os requisitos esixidos, non poderán ser contratados, quedando anuladas todas as súas actuacións, sen prexuízo da responsabilidade na que puideran incurrir por falsidade na súa solicitude para participar no proceso selectivo.

Cumpridos os anteriores requisitos, o Presidente da Corporación procederá á formalizar o contrato.

Oitava: incidencias.

A comisión avaliadora queda facultada para resolver as dúbidas que se presenten e tomar os acordos necesarios para a boa orde do Concurso en todo o non previsto nestas Bases.

Novena: impugnacións

Os interesados poderán impugnar a presente convocatoria e as súas bases, así como todos os actos administrativos que se derivan da mesma, nos casos e na forma establecida na Lei de procedemento administrativo.

Trazo, a 23 de agosto de 2019.